

**Ženska zagovaračka grupa – Women's Advocacy Group (WAG)** je zagovaračka grupa koja kontinuirano prati status žena u različitim oblastima društva i života, sa naročitim fokusom na politiku i djelovanje u procesu EU integracija, te redovno radi na izradi Komentara na EC Country Report.

WAG aktivno djeluje od 2016. godine, a čine je organizacije civilnog društva sa područja cijele BiH, studentske organizacije i pojedinke koje se bore za rodnu ravnopravnost.

Svojim djelovanjem WAG promovira značaj uključivanja organizacija civilnog društva u proces EU integracija, te naročito značaj integriranja principa ženskih ljudskih prava u domaće zakonodavstvo kroz pristupni proces EU. Također, članice WAG redovno zagovaraju za utvrđene preporuke i prioritete pred institucijama Evropske unije u Briselu.

U sklopu projekata "Women's Voices and Perspectives Integrated into EU Accession Process" i „No EU Integration Without Women's Participation“ uz podršku Fondacije Kvinna till Kvinna, do sada su urađene dvije publikacije: „[Ženske perspektive: Alternativni odgovori na Upitnik Evropske komisije](#)“ i „[Gdje su žene u Mehanizmu koordinacije za EU integracije?](#)“, kao i policy dokumenti „[Kako osigurati rodnu ravnopravnost kroz proces EU integracija](#)“, „[Šta nam donosi Reformska agenda II: pregled kroz prizmu ženskih prava](#)“, „[Šta nas čeka poslije pandemije: pregled ženskih prava i uključivanje u evropske integracije](#)“ i „[Civilno društvo u razgovorima o budućnosti zemlje: čuje li se naš glas?](#)“.

Članice grupe su: Udruženje „Prava za sve“ (Sarajevo) (koordinirajuća organizacija), Centar za podršku organizacijama CENSOR (Tuzla), Centar za ženska prava (Zenica), Fondacija CURE (Sarajevo), Fondacija INFOHOUSE (Sarajevo), Fondacija lokalne demokratije (Sarajevo), Fondacija „Udružene žene“ Banja Luka, Fondacija za osnaživanje žena (Sarajevo), Helsinški parlament građana Banja Luka, ICVA – Inicijativa i civilna akcija (Sarajevo), Mreža za izgradnju mira (Sarajevo), Sindikat trgovine i uslužnih djelatnosti BiH, Udruženje „Zemlja djece u BiH“ (Tuzla), Udruženje „Žena BiH“ (Mostar), Udruženje žena Romkinja "Bolja budućnost" Tuzla i Udruženje žena SEKA Goražde